

ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۹ جمادی الآخر ۱۳۳۵ جمعه ایرتسی ۲۱ نیسان ۱۹۱۷ نوسرو ۲۵

استانبولمه داتر

فائق عالی بك افندیك لاله دورینه عاقل اوله‌رق یازدینی
هاله منظومه‌دن بر قاج صحیفه :

بك آرزمانده نه كاشانه‌لر ، نه جنتلر
وجوده كلدی . . . سزك سایه‌كزده . . .
ابراهیم پاشا

یوق ، یاپیلان
تصورتك آنجوق مقدماتی . . . زمان
مساعداولسه . . .

— بر تفكردن صوكره —

بوكونلر باشمده غائله‌لر
تعاقب ایتدی وایتمكده . . . نه‌یسه . . .
ندیم

هپمی كچر .

ابراهیم پاشا

كچر ، ویزده برابر . . . ندیم افندی حیات
آقان صولر کبی بیلمز نه‌در سکون و ثبات .
سنگ بونشته‌گه ، لاقید اضطراب و کدر
خیال وحسکه بیلسه‌ك کوکل نه‌غبطه ایدر .

ندیم


پاشام ، وزیر نجیم ، ولی نعمته آه
اولونجه بختمك انجام کاری خاک سیاه ،
براق ، ندیم نزارك خیال شوخندن
بوکریه خانه‌ده بر قاج ترانه‌خندان
یارینکی نسل کدرناکه ارمان اولسون ،
نیچون ترانه‌شاعر بوتون فغان اولسون ؟

اوزون مدت وظیفه تدریس ایله چالیشدی . ۱۵۲۵ تاریخنده ادرنده وفات ایتدی . [*]

عبد الفیاضه نوفیه

[دوام ایده جک]

[*] عثمانلی تاریخ فنی حقنده ایضاحات ویریورکن قسماً مؤلفرینک اثرلریله برابر بر جوق وثائقه مراجعت ایدیوروم . قاضی زاده ، علی قوشچی و میرجلبی یه داثر ، شقائق نعمانیه کشف الظنون کبی معروف اثرلردن باشقه صالح ذکی بک افندیکنک اثار باقیه سی مأخدم اولدی . بوقیمتلی تتبعک نیاز اکالنی مؤلف محترمنه و استفاده یه شتایی خلقمیزک انظار انتباهنه عرض ایدیوروم .



[۱۲ - ۱۸ نیسان ۱۹۱۷]

کچن هفته کی تاریخ حربده تخمین ایتدیکنز وجهله ، ایلك بهار تعرضلری باشلامشدر . صوک هفته ظرفنده ، انگیزلرک (آراس - له نس) جبهه سنده باشلادقلرینی یازدیغمز تعرض ، کندیلری ایچون عدم موفقیتله سوندی . انگیز باش قوماندانلنی آراسدن آشانی امتداد ایدن وکچن سنه کی (صوم - آنقر) تعرض مشهورینک یادکاری اولان آلمان جبهه سنی شدید بر ایلك بهار تعرضیله ده ایلك ایچون بوتون قوتی ، مهمات ووسائطنی حاضرلامشدی . لکن ، هینده نبورغک داهیانه بر بصیرتکارلقله تام وقتنده اجرا ایتدیکی ، چکیلنه حرکتی سایه سنده انگیز - فرانسز اوردولری پلانلرینی تطبیق ایدمه دیلر . اوکلرنده خراب اولمش بر اراضی بر اقیلمش ، دشمنله صیق تماس غائب ایدلمشدی . بناء هلیه انگیز باش قوماندانلنی هر حالده بر شی یایمق وبلکه ده آلمانلری غافل یا قلامق امیدیه اندکی قوتلری ، جبهه نك بوزولامش واسکی حالی محافظه ایتکده بولونمش اولان شمال قسمنه چکدی . آراس - له نس خطنده تعرضه کیریشدی . زمانمزه بویله مدعش طویچی استحضاراتنه مستند تعرضلرده ایلك خطوده اوفاق تفک موقیقات الده ایتمه مک ممکن دکدر . بوراده ده اویله اولدی . انگیزلر بر قاچ کیلومترو بر قازاندیلر . فقط آلمان خطرینک فوق العاده الستیقی سایه سنده آلمان جبهه سی - کچن هفته کی تخمینمز وجهله - قطعاً ده لینه مه دی . بالعکس آلمانلر قسماً ، انگیزلری کری طرد ایله ، الده ایتدکلری موفقیتلردن محروم ایتدیلر .

انگیز تعرضنک - بالطبع شیمدیلك - سوندیکی بر صیراده ، دها جنوبده فرانسزلر (اوواز) ایله (شامپانیا) آراسنده ، بالخاصه (سواسون) ایله (رهیمس) آراسنده ، صوک درجه شدتلی وکشیف بر طویچی آتشی ادامه ایدیورلردی . نهایت ایلك ۱۶ سنده صباحله یین فرانسزلر (نه ن) بوننده ۳۰ کیلومترو کنیشلکنده بر جبهه ده عظیم پیاده قوتلریله آلمان جبهه سنه صالدریدیلر . بونکی آلمان تبلیغ رسمیسنده فرانسز طویچی آتشنک اون کوندربلافاصله و بر شدت نامسبوقه ایله دوام ایدهرک بوتون موضعلری آلت اوست ایتدیکی و بوندی صوکره فرانسزلرک ابتدا (نه ن) اوزرنده کاش (سوپیر) موقعندن (رهیمس) شمالنده کاش (به نه نی) یه قدر ، بعده (اوواز) دن (شامپانیا) یه قدر بریر هجوم ایتدکلری ذکر ایدیور .

آلمان تبلیغ رسیسنک لسانی شایان دقتدر. دشمنك قوت و شدت هجومی اصلاً استغفار ایتہ یور. بالعکس سزای تقدیر بر راستکولقله، بوکونکی مدھش طوپیچی دوئلولرینه قارشى ايلك خطك مدافعه سی قابل اولادیغنی، الیوم جریان ایتكده اولان و حرب حاضرک و بوتون دنیا حربلرینك ایلک مدھش معرکہ لرندقی بریخی تشکیل ایدهن بو (ئهن) تعرضنك ايلك خطوه سنده آلمان ایلری مواضی اوکنده و اطرافنده محاربه ایدلمکده بولوندیغنی سویله یور. فرانسزلر صوك درجه آغیر ضایعاته دوچار اولشلردر. آلمان قطعاتی، وقوعنه انتظار اولونان محارباته انتظار ایدیورلر.

برده آلمان قوماندانلغی، بوقدر مدھش طوپیچی استحضاراتیله و تازه تازه عظیم احتیاط قوتلریله اجرا ایدیلن بویله حربلرده محاربه نك یالکز برخط اوزرنده جریان ایتہ یوب بریرینه صربو طومشك مواضع مستحکمه ده مدوجزر حالنده، ایلری کری، تعرض، مقابل تعرض صورتنده جریان ایلدیکنی قید ایدیور. یعنی دنیلیمک ایسته نیورکه، مهاجرلر ايلك خط مدافعه یه صوقولاییلرلر، اوتده بریده طونابیلرلر؛ فقط جبهه یی دهلمک کئنجه، بوتك ایچون باش قوماندانلق (عقیم قالمق) تعبیخی استعمال ایدیور. بناء علیه کله جك خبرلره بزده کمال اعتمادله انتظار ایده بیلیرز.

شیمدی یه قدر ایکی بوجوق سنه لك محاربه لرده انکیزلرله فرانسزلر، چوغی آلمانلردن اولمق اوزره، برچوق شی اوکره ندیلر، تجربه لر قازاندیلر. فقط آلمان باش قوماندانلغنك دخی بوتجربه لرده استفاده ایتهدیکنی ظن ایتك حماقت اولور. بو ايلك بهار تعرضلرینك، شیمدی یه قدر اولان محاربه لری، حتی صوم تعرضی بيله چوجوق اویونجاغی مثابه سنه ایندیرمچکی معلوم ومنتظر ایدی. آلمانلرده بوکا کوره حاضرلاندیلر. فرانسزلر اون کون مدھش برآتش ادامه ایدرکن، آلمانلرده البته بوش دورمادیلر، قوای احتیاطیه لرینی جلب و تقسیم ایتدیلر. مادامک ايلك خطوه ده فرانسزلر آلمان جبهه سنی یارامادیلر. آرتق یارمه حرکتك موفقیتی بکله نه من. فرانسزلر اودرجه عظیم ضایعاته دوچار اولاجقلردرکه آز زمانده بیتاب دوشه جکلردر.

اگر انکیز - فرانسز باش قوماندانلری برطرفدن آرواسده ویر طرفدن ده (ئهن) بوینده تعرضله آلمانلری شاشیرتمق ایسته دیلر سه شبهه سز آلداندیلر. یالکز جالب دقت اولان نقطه بودفعه انکیزلرک آیری، فرانسزلرک آیری هجوم ایتهلری (صوم) تعرضنده اولدیغنی کبی مختلطاً و متحداً هجوم ایتهمه لریدر.

هر حالده مدھش بهار محارباتی دشمنلریز طرفدن باشلادی. شوکونلر مهم کونلردر. فقط اندیشه! بواصلاً خاطر منزه کله من. آلمانلر ساده مدافعه ده می قالا جقلر؟ هیچ تعرض ایتهمه جکلرمی؟ البته تعرض ایده جکلر و بر معتاد دشمنلرینك اک ضعیف نقطه سنی بولا جقلر. برآز نکله مه لی یز.

§ بو صیراده تحت البحر محاربه سنك کمال موفقیتله دوام ایتدیکنی ده قید ایدلم. مارت طرفنده ۸۶۱ بیک طونلق ۴۳۵ کی باتیرلینی رسماً اعلان ایدلادی. شباطله برلکده ایکی آیده ۹,۶۴۰,۰۰۰ طون غرق ایدلشدر. بومدھش یکون هر شیدنی بلیخدر. حرب، اوتی اوزاتقی دشمنلریزه ده پک بهالی یه اوطوراجقدر.

§ همانلی جبهه لرنده، بالخاصه دیاله شمالنده کی دجله جبهه سیله قرات جبهه سنده انکیز و روسلره قارشى محاربات دوام ایدیور. هنوز بو محاربات انکشاف ایتکده ذر. کمال سکونله نتیجه یه انتظار ایلمه لی یز.